



COMUNICADO DI PRENSA
Fecha: 9 di september 2009
No.: 10-2009

Oranjestad - Den su reunion regular di dialuna 7 di september 2009 y reunion cu Cuerpo di Supervision, Comision Bon Boluntad (CBB) a revisa e sucesonan di ultimo siman.

Na primer lugar, CBB ta desea di expresa su aprecio pa e decision tuma pa no tene parada dia 20 di september venidero, y sigur e posicion tuma di parti di e dos partidonan MEP y AVP cu a bay di acuerdo pa no tene parada mas prome cu dia di eleccion. Cu esaki a logra crea un ambiente mas positivo pa eleccion. Palabra di eulogio tambe pa Alto Comisario de Witte, cu a logra yega na e acuerdo aki, despues cu en principio e partidonan tabatin permiso caba.

Ta di spera cu e partidonan cu lo sigui cu nan paradanan, lo haci esaki teniendo cuenta cu e aspectonan cu no a bay bon den e paradanan cu tabatin te awor. Ta recomendable pa nan tene vista riba fenomeno manera exceso di alcohol, maniobra peligroso den parada di persona y especialmente di mucha y na tur momento sigui e instruccionnan di Cuerpo Policial.

Di otro banda, ta keda un preocupacion pa e actividadnan riba caminda publico di cual CBB no ta na altura cu e partidonan tin permiso. Un ehemplo ta e actividadnan di partimento di sticker cu tin ora ta ocasiona fila bastante grandi di auto, loke ta un molester pa e ciudadano cu no ta interesa den sticker. Diadomingo ultimo atardi tabatin un fila di mas di mei ora na Pos Chiquito, causa pa partimento di sticker riba caminda publico. E tipo di actividad aki tambe ta mara na permiso y tur partido mester tuma debido nota di esey.

Atentamente,
Na nomber di Comision Bon Boluntad,



Lydia Emerencia, Presidente